

治世餘聞錄

紀錄彙編卷之八十三

治世餘聞錄上篇卷之一

止沅箬陂微臣

丁未歲鳳陽亳州并淮安等處皆報黃河清一月及
秋今上卽位先是庚寅春甘露降于郊壇松柏
時憲廟親郊御齋宮取以賜百官翰林院進甘
露頌然是瑞實兆今上之在娠至秋孟朏乃誕
自古聖帝明王之降生不偶蓋必有禎祥兆於先
而非、知也况今上實太平天子天意固
有在矣

內監虫蟻房蓄養四方所貢各色鳥獸甚多弘治政
元首議放省以減浪費所司白虎豹之屬放卽害
物欲殺恐非諒闇新政左右以爲疑上曰但絕
其食令自斃可也

戊申歲縣丞徐頊上疏請理皇妣薨逝之由以復
不共戴天之讎疏下內閣擬旨大學士萬安劉
吉尹直俱在萬劉皆不欲行只言請上自處內
臣將本去尹復謂曰非不准行只請上示寬嚴
輕重之意庶好擬旨批示踰三日詢知本在御前
尹語萬劉曰此本不出徐必再言或有他人言必

來問所以不行將何以對今須請出擬行於是內
臣將本來擬尹擬法司看了來說劉曰法司便安
拿人且着禮部尹曰禮部吉凶禮文煩擾不暇萬
卽依劉擬禮部覆本請拘萬家親戚內眷曾經出
入宮闈者究問萬家實與吉通好懼甚私謂尹曰
我與萬家多不往來尹慰之曰此事只宜寬處著
興大獄株連蔓引豈先帝之意哉劉喜曰盛德
之言也少頃太監覃安等將禮部覆本來議擬旨
萬曰何如劉曰先帝存日云覃搖首不然久之曰
尹曰先生如何說尹徐應之云宮闈往事朕承

皇太后泊母后宣慰明白恁說的都是外面浮

議難憑訪究姑從輕處

云

覃曰好好初成化中

皇妣紀氏得幸有娠萬貴妃既覺恚而苦楚之

憲廟乃密令託病出之安樂堂以瘖報而屬門官

照管既誕密令內侍近臣謹護視之及悼恭慶後

內庭漸傳西宮有一皇子一二近臣嘗請賜名付

玉牒或訪其外家畧加表異使外庭曉然知之不

然他口何以信服於天下而大學士彭時又嘗託

太監黃賜達云漢高外婦之子且明取入宮今實

金枝玉葉何嫌而諱又有太監張敏固厚結貴妃

主官太監段英乘間說之貴妃驚云何獨不令我
知遂具服進賀厚賜紀氏母子擇吉日請入宮時
乙未年五月也卽於十九日下勅定名徙紀氏處
西內未壽宮禮數視貴妃中外臣僚喜懼交并後
紀妃有病黃賜張敏將院使方寶治中吳衡徃治
萬妃請以黃袍賜之俾得生見次日病少間自是
不復令診視至六月二十八日卒是日天色皆赤
以時享致齋七月朔始發喪追封淑妃

詳見大學士尹直瑣錄

是歲追尊 皇妣紀爲孝穆皇太后哀冊有云觀漢

家堯母之門增宋室真皇之慟 上常謂其語語

左右曰此尹直所撰 上曰朕固知之矣

致仕南京兵部尚書王恕陝西三原人 上在東宮

時已聞其名至是首降 勅召之改吏部加太子

太保未幾言官劾各處巡撫及藩臬官內批點革

恕以爲不得其職力求去不許旣而南臺薦入內

閣 上曰朕用蹇義王直故事委恕吏部若有謀

議亦無不聽三原爲吏書署于門曰宋人有言受

任于朝者以饋及門爲耻受任于外者以饋及人

都爲羞今動曰贊儀而不羞于入我寧不自恥

一特然無異議者使非真誠積久而孚亦自不
政書書之適足以憎多口矣

戊申陝西守臣奏天門開人馬百萬自下而浙江處
州府亦報景寧縣北屏風山有白馬成群首尾相
啣從牛首山迤邐騰空而去

都御史馬文升奏令南京科道點開大小教場操軍
御史張昂給事中周紘往點亡伍者十之三主帥
成國公朱儀及太監陳祖生蔣琮恐甚因撫拾掩
飾

朝廷命二人回話乃直述所以其事之醜益暴白矣

事下兵部覆奏解之有命補外王太宰恕上章救之不允科道復力諍之乃得調京首領

巴西西番貢獅子其性勁險一番人長與之相守不暫離夜則同宿于木籠中欲其馴率故也少相離則獸眼異變始作威矣一人因近視之其舌累黏則面皮已去其半又畜二小獸名曰吼形類兔兩耳尖長僅尺餘獅作威時卽牽吼視之獅畏伏不敢動悉吼作溺若其體肉卽腐爛吼得食又畏雄鴻鴻引吭高鳴吼亦畏伏物類相制有如此

西域土魯番阿黑麻是年誘殺哈密國王罕慎并虜

王母奪去金印因求封主哈密爭下兵部議稱初
太宗朝以西域番夷入貢者多乃卽哈密地封
元遺孽脫脫爲忠順王賜金印凡諸夷入貢悉令
譯文以聞脫脫故其子孛羅帖木兒襲封故無嗣
王母主國事被吐魯番鎖檀阿力王虜王母金印
以去甘州守臣奏報 朝廷差官無處適鎖檀阿
力王故其子阿黑麻主事守臣乘間悉以王母外
甥畏兀兒種類都督罕慎襲封爲王後阿黑復以
罕慎非貴族假以諸親殺之遣使入貢求封且乞
大通使往和番尚書馬公文升謂今迤北大虜亦

不遣使通好。阿里麻自有分地，亦難封彼爲王。彼若入貢，亦所不拒。請降勅責諭之後，因王母故本酋乃以金印城池來歸。馬公奏請訪求貴族元遺孽安定王族姪陝巴襲封忠順王。主哈密未幾，諸番夷以陝巴無所犒賜，阿里麻復怒大頭目都督阿木郎嘗尅其賞賜，又嘗虜其部落頭畜，遂殺阿木郎，復虜陝巴金印以去。報至，適阿里麻死，所遣大頭目寫亦蒲速兒等四十餘人入貢在京師。大學士丘公濟謂馬公曰：「哈密事重煩公一行。」馬曰：「邊方有事，臣子豈可辭勞？但西域賈胡惟圖窺

利不善射騎自古豈有西域爲中國大患者徐當
靜之丘曰有識言不可不慮因集議請自往衆曰
哈密一方事耳今虜在邊四方多故公往甘涼四
方邊事付之何人乃議以兵部右侍郎張公海都
督僉事侯謙率寫亦蒲速兒等往經畧之旣抵甘
州議令寫亦蒲速兒等數人并遣在邊通事先以
勅諭阿黑麻順天道歸陝巴金印久未回報阿
黑麻愈肆驕橫詐稱領夷兵一萬用雲梯攻肅州
城并蹂甘州報至朝野頗驚馬公以爲彼張虛聲
以挾我耳且土魯番至哈密十數程中經黑風川

俱無水草哈密至峪谷又數程亦無水草入貢者
往返皆馱水而行使我整兵以俟謹烽火明斥候
使疋馬不返夷使入貢至京者亦以此意曉之伐
彼邪謀自此阿黑麻不敢復言攻肅州矣無何阿
黑麻復令頭目牙蘭率番兵二百餘據哈密馬公
請用漢兵三千爲後援別選罕東番兵爲前鋒各
持數日熟食兼程襲之乃令分守肅州副總兵彭
清統領出南山取捷徑馳至罕東急調番兵齊足
乘夜兼道襲斬牙蘭而守臣貪功乃親率漢兵至
肅州又久駐嘉峪關外候罕東兵不至牙蘭預知

之皆遁去追兵至哈密獲城追勦之僅斬首六百
餘然自是威震西域阿黑麻以是悔過遂遣使入
貢并以陝巴金印來歸且求寫亦蒲速兒等乃降
勅賜陝巴蟒衣綵段冠服護入哈密其三種大
頭目都督寫赤蒲仙係回回奄克孛羅係畏兀兒
并迭力迷失係哈刺灰種類皆翼佐陝巴者馬公
又慮哈刺灰以獵生爲生各番頗懼多不樂居哈
密城請量留其家室之半居肅州許其往來以繫
其心離散夷人大小共二千餘名口咸給牛具種
子衣糧布疋遣撫夷千戶數人護入哈密自是阿

黑麻甚感 朝廷恩威并黑樓國等處咸遣使入貢邊方底寧 九重無西顧之憂矣

庚戌三月陝西慶陽府雨石無數大者鵞鴨卵小者

如雞頭實皆作人言說長道短奏詞

云

初北虜進貢三年一次至庚戌又欲一年兩次入貢心雖貪利姦或難測番文自稱大元可汗及稱去年差了三千餘人進貢止准一半阻回一半都生反心有小王子死生定了今再差四千人進貢若都准了便罷若只准一二千呵也不進貢都生起反心了王子那時也主張不得你也難怪我們等

語事下兵部時馬尚書文升查議宜以容彼進貢
爲權以飾我戰守爲正且近年例止許一千五百
人進貢雖成化年間亦不過一千七百人於是止
許照成化年間例仍行大同鎮巡官差人伴送一
千五百名進京其餘存留大同聽候給賞其謀稍
沮

庚戌歲南昌府城隍廟殿下庭中生一石初出地四
五寸越日已長尺餘以後日日漸長旣數日已三
四尺其初生時無人覺之是石偶一人見曰此處
想生出山矣因此語遂不復長其生者至今存焉

華亭錢福性敏甚爲文不屬草是春舉會試第一
廷試策三千餘言詞理精確若宿構者彌封官以
無稿難之衆謂科場必欲具稿者防代作之弊今
殿陛間衆目所矚何嫌之避時劉閣老得其策噴
噴不容口乃請于 上賜第一福幼時遭疾奇甚
殆其父夢一人語曰乃子吳寬也時吳尚未第後
連第舉省元殿元福亦果然但爲人落魄不自珍
重卒以行檢不立考察作有疾黜退世多惜之
癸丑五月京師大風東廠地忽陷深深三二丈廣亦如
之同時坊白晝間二人入巡警鋪久不出嘗鋪者

疑之推戶視但見衣二領委墜下水傍各有積血而已二人皆不知何在

是年薊州守臣奏閏五月旣望辰巳之際本州忽然晝晦大雷迅烈室廬撼動風勢狂猛瓦石皆飛電光交掣紅紫奪目見空中雷神無數形狀不一

難

辨皆披甲冑各執兵械或劒斧鎚鑿或鎗刀旗戟

或縲紲枷鎖攝人起空中移時復擲下其震死者身手足分裂異處凡九人又震牛十九頭亦皆身足分裂復拔去舌又在地震死者人牛復有十數攝上而復擲下者八九十人皆無恙皇天震怒誅

譴慘烈州人戰栗駭隕不知何以獲罪于天也

或曰被擲下者疑云神醫人至則審

甲寅蘇州府治西南太湖之濱有山自移徙初猶緩
緩移動漸次甚急望太湖而趨偶一村民過之大
驚疾呼曰此山要走下湖也聞者皆愕然而呼山
隨呼卽止已離舊址數畝餘矣

是年朝鮮之海南夷有輸米其國而覆舟於海者夷
賴浮板得半不死隨漂至島嶼值巡海官軍舟至
載入浙境事聞 朝廷令給衣糧館伴遼東示以
歸路夷自陳本國米盡失歸不能自明罪必死乃

差通事二人送之仍勅其國王憫其情毋事苛責此真柔遠之道也

岐府等王出閣例該除輔導官耿太宰裕一日除庚戌進士六人爲檢討俟出府授長史衆人不樂此選共約詣部堂譁然辨論不肯就職極言偏私選推不當耿安慰之衆愈侵侮耿復正色叱之衆亦詆斥時吳少宰寬乃言曰汝諸子務進取常擬董生賈傳向二人亦曾爲王傳然後名高百世而諸子縱傲輒毀主司厭棄斯職使選舉從人自擇可乎不思汝輩皆其所取士也所學何事衆方退耿

同吳遂奏諸人恣肆甚傷治體請以法處之明日
疏入奉 旨以爲首者從軍餘皆從吏紀綱乃振
中宮張后欲製珠袍乘間語 上曰須差管寶藏庫
太監王禮廣東珠池採取則整齊可觀 上不聽
乃宣禮及敬同檢內帑所藏肅以

太祖所蓄不敢動

太宗

而下儲物悉取來觀因擇其光澤明

瑩者若干顆製爲袍餘復發回原貯貯之他日顧
禮責之曰內帑儘有好珠汝却藉此欲往廣東生
事壞法擾害百姓彼何以堪這遭且將就罷今後

再敢來說必剝皮示衆先是禮進銀數千兩浼金夫人啓此釁端禮聞

上言心甚驚怖更不敢有失

上好寫沈字蓋沈學士名度字民則松江人以善書名於先朝其筮仕時自左順門接出題本竊觀硃批清逸豐潤詢之先達云此御筆也實類沈體又聞嘗命禮部徵其子姓得度四世孫世隆特授中書舍人且宣索其家得其遺像卷因撫而歎曰沈先生出矣卷有楊文定溥所著傳文貞士奇文敏榮金文肅幼孜胡祭酒儼魯學士榮諸贊並

留內府不復降出

上嘗遣中官至內閣問龍生九子名目皆莫能對惟
李閣老東陽記其畧倉卒不敢對復出詢諸羅繡
脩珣劉稽勳績乃備得其詳因據以聞九子者一
曰囚牛龍種性好音樂今胡琴額上刻獸是其遺
像一曰睚眦好殺今刀柄上龍吞口是一曰嘲風
好險今殿閣上走獸是一曰蒲牢好鳴今鍾上紐
是一曰狻猊好坐今佛座獅子是一曰狻猊好訟
今獄門上獅子是一曰負鼠好文今石碑兩旁龍
是一曰蚩吻好吞今殿脊獸頭是

上體稍不佳卽誦詩云自身有病自心知身病還將
心自醫心若病時身亦病心生元是病生時且善
於顧養如此嘗因重陽出一對曰今朝重九九重
又過一重陽命太監蕭敬等對之皆不能應至今
亦未聞有能對者、

紀錄彙編卷之八十四

治世餘聞上篇卷之二

正沅箬陂微臣

丁巳三月宣內閣臣徐溥劉健李東陽謝遷至文華殿上曰近前於是直叩御榻司禮監諸太監

環跪於案側上曰看文書諸太監取本付溥等

又分置硃硯筆授片紙數幅上曰與先生輩計

較溥等看畢相與議定批辭以次陳奏得允乃錄

於紙上以進上覽畢親批本面或更三二字或

刪去二三句皆應手疾書宸翰清逸畧無疑山西

巡撫官本 上顧曰欲提問一副總兵該提否漣
等對曰此事輕副總兵恐不必提止提都指揮以
下三人可也 上曰然邊情事重小官亦不可提
耳又禮部本擬一是字 上曰天下事亦大還看
本內事情若止批一是字恐有遺失因取本閱之
則曰是只須一字足矣又一本健奏曰此本事多
臣等將下細看擬奏 上曰文書尚多都要一看
下去也是閑就此商量豈不好皆應曰諾 上指
餘本謂左右曰此皆常行事不過該衙門知道耳
乃皆叩頭退 上復顧左右曰喫茶出文華門尚

膳官監捧茶以俟羣太監喜曰茶已具矣蓋時出
忽召未有宿辦也東陽燕對錄曰自天順至今四
十年先帝及今上之初間嘗召內閣不過一
二語是日經筵罷有此召因得以窺天質之明
睿廟筭之周詳聖心之仁厚有不可測量者
如此

戊午六月南京并蘇松常鎮嘉湖杭州徽州諸處河
港潭池井沼水急泛溢二三尺許似潮非潮天亦
無雨沿海去處約有四尺千里相應豈蛟龍妖異
所致抑水爲陰物過多失常爲災也

庚申六月陝西西安府鄠縣道安里軍士毛志學於
本里趙綸村泥水河邊澡浴得古玉其色純白無
瑕光彩異常厚一寸背有璃紐紐高二寸方圓一
尺四寸稜角完好無損缺其文曰受命于天既壽
永昌巡撫都御史熊獅等以獻于朝議欲稱賀
郎中陳仁等建言此不足信況亡秦之物不足爲
重遂已之

庚申六月召內閣諸臣至平臺上出諸營提督官
辭任本各議去留大學士劉健請上裁決上
取英國公張懋本令擬旨留之及保國公朱暉惠

安伯朱偉皆然至成山伯王鏞寧晉伯劉福皆准
辭退問曰何如劉健等皆應曰聖覽極當皆擬
旨訖又問新寧伯譚祐較之劉福如何蓋祐時亦
有言其短長者李東陽對曰譚祐在營管事似勝
劉福上意亦以爲然但止可令管神機營提督
團營須另選可令鎮遠侯顧溥代之因問溥如何
劉健等皆應曰溥在湖廣甚好李東陽曰况新有
貴州功上曰然則令管神機營李東陽曰譚祐
掌神機營久但繫伯爵若與溥同營卽當爲副溥
雖侯爵但新自外入若令管五軍營名在張懋次

而令張偉似於事體稍便 上從之卽令撰手勅
稿是日司禮惟二太監在侍餘無一人在左右者
於是扶安李璋舉小紅卓具硃筆硯李東陽錄稿
以進 上親書手勅成付司禮監官李東陽復奏
曰今邊方多事 皇上留意武臣親賜黜陟臣等
不勝瞻仰皆叩頭出時已召兵部尚書馬文升等
候於左順門候勅出行之

舊例通政司奏事各衙門承旨惟刑部都察院同爲
一法司竝立聽候如 旨云法司知道兩衙門俱
跪而應若止云刑部知道惟刑部堂上官承旨

都察院知道惟都察院官承旨 玉音微低不免
混聽則具本認罪時白司寇昂每次不差閔都御
史珪屢差俱蒙 溫旨不究李閣老東陽與閔俱
甲申進士因會同年席上謂閔曰今早年兄何以
又差閔荅曰某一時聽不真李曰白公只有一耳
何以聽真年兄有兩耳何聽不真衆皆愕然李徐
笑曰刑部字止一耳都察院非兩耳而何一座輾
然稱善

上厭閣豎專擅將責任大臣乃御 文華殿召吏部
尚書屠滂謂曰治國以禦邊爲急禦邊以糧餉爲

要今各邊總督糧草官若侍郎叅政都指揮各一員都是混冒不分勤惰以致功罪賞罰徃徃失當老尚書與朕分派地方使各有所總而勤惰功罪因有可考賞罰亦可施行卽校簡與瀟瀟慙報久不能對闔堅皆掩口竊笑 上復謂瀟曰汝畏人怨耶朕將自定之卽將戶部侍郎使統千里叅政都指揮各統數百里命自大同宣府抵寧夏溪山險阻某處則搭木乘渡某處則作梯飛輓庶士卒不疲而糧餉易集睿筭井井若目中事而侍郎等皆悅服領勅而去瀟亦賜茶命還部 上旣入

內以蒲不副旨快快終冬至是召見大臣鮮矣凡
紀大事上徑自裁之

辛酉冬馬司馬文升轉太宰御史張津文森曾大有
論馬宜在兵部且熟知邊事吏部宜慎擇正人居
之奏上奉 旨進退大臣朝廷自有公道這御史
每如何輒擅銓衡皆下獄送法司擬罪僉謂輒擅
銓衡准律文其罪不小皆爲危之後得 旨如擬
運炭還職方知 上意初未嘗怒言者恐論列者
衆故先批如此 聖人之度何嘗有所適莫哉方
太宰缺時馬與刑部閔珪皆以資望相應北人主

于馬南人主閔推者以馬爲首遂相嫌馬在部移
怒於屬司一年之間刑部十三司無一轉官者可
謂隘矣弘治末爲何御史天衢所劾遂罷去

京師好事者扶鸞有陰筆詩江山何日許重來白骨
青林事可哀吾黨莫言清夢返海東東更有蓬萊
又云斯文古今一堪哀道學真傳已作灰鴻鴈未
高羅網合麒麟偶見信時猜迅雷不啓金滕惑紫
電誰憐武庫才于此可知同氣數渾淪來往共盈
虧莫知爲何人作扣之復書曰予篋墩學士也是
時程已沒久其詩類其早年所爲蓋其拂鬱不平

之氣猶有未散焉者先是也未春程敏政與李西涯同主考禮闈其第三問策題程所出以四子造詣爲問許魯齋一段出劉靜修退齋記士子多不通曉程得一卷甚異之將以爲魁而京城內外盛傳其人先得題意乃程有所私爲華給事中梟等所劾謂私徐經唐寅等上命李公覆閱遲三日始揭曉言路復論列欲窮治之上怒下都給事中林廷玉等于獄落言官數人職而程亦致仕以去亦一時文運之玷云

太監李廣以左道見寵任權傾中外大臣多賄求之

戊午歲建毓秀亭於萬歲山上旣成後適一小公主患痘瘡衆醫莫効廣飲以符水遂殤宮中方歸咎于廣未幾清寧宮災有謂亭之建年月不利犯坐殺向太歲故有此災 皇太后怒云今日李廣明日李廣興工動土致此災禍累朝所積一旦灰燼廣懼飲鴆死 上意其藏必有奇方祕書卽令內侍搜索奉命者遂封其外宅搜得一帙納貲簿首進之簿中所載某送黃米幾百石某送白米幾千石通計數百萬石黃米卽金白米卽銀 上因悟廣賊濫如此遂藉沒之科道請出簿究問 凡

與名者懼懼危甚各自星夜赴城曉求救不期而
會者九十三人月下見轎影重重而一人獨乘女
轎事雖得寢不究而納賄之名一一盛傳於朝野
覲顏雖甚久而亦安然無復羞愧矣時若屠太宰
瀟徐宗伯瓊白司寇昂沈通政祿陳瑤諸人爲尤
著 上英明終漸去之

北虜火節寇邊勢甚猖獗馬鈞陽文升以少傳兼太
子太傅爲兵書 朝廷特所倚重命閱兵於教場
又命司禮監太監李榮同閱馬欲與李並坐往返
言再三榮竟不允遂各居一幕而遞閱之夫以保

傳之官掌本兵之柄又值弘治之世而宦官乃若此其可駭也矣

太皇太后一日諭 上欲召崇王入朝 上意以太后注念將從之復以事體重大乃令禮部會九卿科道等官集議時議者不一展轉久之給事中屈伸援引故事謂不宜擅離封守遂已之

上勤政每日清晨視朝遇雨則免仍令有事衙門堂上官由廊廡升奉天門奏事或因趑趄急滑跌 上多不問嘗以通政司鴻臚寺官奉事繁難若差錯一二字者有旨不必糾奏經筵諸講官失儀尤加

寬慰閭朝有不到者多從寬宥不得已罰俸一月其體念臣下之仁至矣

辛酉秋華容劉大夏自兩廣召至京陞兵部尚書

既受職一日上召至幄中問曰朕累召用爾爾

因何累以疾辭大夏對曰臣待罪兩廣委的年老

多病况見近年四方人窮財盡易於生變兵部掌

朝廷機務萬一變生臣才不足以了此事憂懼

不敢來上默然久之曰爾乃盡心辦事大夏叩

頭退越數日又召問曰爾言天下民窮財盡自

祖宗以來徵科賦斂俱有常制何以近年民窮

財盡大夏對曰近年征斂恐不止於常制姑以臣
巡撫地方言之如廣西取鐸木廣東取香料費用
錢糧動以萬計上曰鐸木是軍中要用的急務
不得已取之爾嘗奏來已令停止了今後但有分
外的徵斂便令該衙門來說再斟酌定奪

北虜驕橫各邊俱有警報時上以兵事屬意於太
監苗達與達謀欲舉兵出塞劫虜營謀已決而英
國公張懋兵部尚書劉大夏俱不知苗達先與劉
大夏在教場論兵事不合心知二人不欲此舉密
告于上乃召大夏論曰爾在兩廣來時苗達等

於延綏河套陰劫虜營由是虜不敢犯邊爾知之
否大夏對云嘗聞從征將士言劫虜營時事當時
全仗 朝廷威德幸而逃脫不然全軍覆沒於境
外未可以爲善 上曰宋樂中頻年出塞破虜今
何不可大夏對曰 皇上神武固同於 太宗皇
帝柰今之將領兵力遠有所不逮且在當時如國
公丘福稍違節制遂令數萬兵俱陷虜地況今之
將又在丘福之下不若令各邊將料敵戰守猶似
得策時左都御史戴珊在側極贊大夏言爲是
上遽曰微爾二人之言朕幾爲人所誤遂寢其謀

大夏等歎曰 上之聽言從善如轉環若是前代英君誼主所不能及也

上無日不視朝或三五日朝罷鞭響 上起立寶座上高聲兵部來於是尚書劉大夏跪承旨由西陞以進 上退立寶座後大夏逕造 上前語移時羣臣侍班觀望人人欣戴間或宣都察院於是左都御史戴珊亦承旨由西陞而登 上立寶座後或坐輦中與二臣相與商確大事多或移一二時方退間亦召吏書馬文升與語然比二公稍疎其與劉公誼嘗令左右却立有欲盡削內官權柄當

時咸九門監門官及禁革過取商稅皆本於此其
朝臣無大小皆樂趣朝以仰承 德意間有語及
早朝事不能答者就知其懶於朝矣人自愧悔蓋
有不公而自不能安寢者也

刑部堂官閔珪獄不稱旨 上怒甚一日與尚書
劉六友論及之劉與閔同年交厚且知其爲人欲
解救之而未敢言俟 上諭畢對曰法司執法恩
歸 朝廷似未可深怪 上曰爾第云古昔何人
如此執法大夏見 聖怒莫知所對 上詰之對
曰嘗聞孟子云舜爲天子臯陶爲士執之而已

上默然久之怒意未解大夏竊意所對欠避諱心悔其失 上徐曰朕亦知閔珪是老成人物欲求一人以易之不可得但此事執之太過耳明日奏下允刑部之議吁 上之明燭人心而強於從善如此

上嘗召問天下衛所軍士何如大夏對曰與民一般窮安得養其銳氣 上曰在衛俱有月糧征戍又有行糧何以也窮大夏對曰自江南衛所困於運糧江北衛所困於京操運糧有腳價還債之費京操有做工部料之費此外浪費猶有臣等不可知

者所以俱窮 上曰朕在位許多年不知天下軍
民都這等窮歎息久之越數日詔令各衙門凡損
於軍民弊政俱備查奏

紀錄彙編卷之八十五

治世餘聞上篇卷之三

芷沅箬陂微臣

上召左都御史戴珊與劉大夏至榻前論爾等各衙門凡事都奏行巡按御史勘報豈以此官公道可托耶珊顧大夏未敢對大夏進曰無他以巡按御史一年一換無久交不掣肘故事多責成之

上曰責之固是但權之所在惟有識量者能不移其心不然則恃權好承奉任喜怒將或以是爲非以賢爲不肖使民不被其澤爾珊今後遇差巡按

御史務揀老成有識量者毋用輕躁新進之人仍
以此意行與各巡按御史知道珣承命叩頭謝罪
退與劉公俱歎曰 聖論諄諄俱切中時病明見
萬里之外惜我輩猶不能悉記其詳耳戴卽通行
以警各處巡按云云欽遵嗚呼聖言及此其精練
政體豈尋常所能到哉

江西寧府乞換殿宇琉璃瓦奏准於引錢內支銀二
萬兩時林見素俊以都御史巡視其地具疏言該
府初無琉璃之制請止之且云毋涉吳王几杖之
賜毋成叔段京鄙之求寧深啗之乃以林出巡外

郡爲迂避 聖節不於省城慶賀朦朧奏令回話
願 上洞知不究彼寧又向勘事邵郎中賁言說
林都堂指我是叔段則以莊公待朝廷矣其黠如
此後果爲反逆林其有先機之見哉

上一日召劉大夏戴珊諭曰聞今軍民都不得所安
得天下太平如古昔帝王之時大夏對曰求治亦
難太急但每事都如近日與內閣近臣講議必求
其當施行日久天下自然太平 上曰內閣近臣
如大學士劉健亦儘可與計事但他門下人大雜
他曾獨薦一人甚不合朕意 上不言其所薦之

人姓名大夏等亦不知旣而向劉公等言曰劉先生曾說見任副都御史劉宇才可大用上不荅先生疑上聽之未真重舉其人言之上竟未之荅或者是此人未可知噫宇之姦惡聖明已知之正德初年宇果大壞朝政天下益信堯舜之資迥出尋常物表也彼薦之者寧不愧死耶貴州普安土官隆暢妾米魯米朶等因其夫故乃與姦人福佑等乘釁謀襲官職因而糾集賊衆攻劫城堡拒敵官軍將管糧右布政閻鉦及雲南進表布政梁方園因安南城內不放鎮守太監楊友慮

陷城池乃與按察使劉福都指揮李雄等領兵前去盤江地名寶鈿鋪屯劄及取梁方閭鉦到營梁方次日卽行衆議以寶鈿地方不可久住請過盤江東岸下營楊友等不從又張宴設戲爲樂米魯寅夜添合蠻賊阿方車等強兵萬餘劫營當殺死閭鉦劉福等并都指揮以下千百餘人又將楊友虜去送寨拘住時辛酉年四月也守臣以聞兵部請命南京戶部尚書公安王軾提督軍務合雲南川廣之兵夾攻至壬戌春以捷聞地方雖獲平定而官軍損傷者亦多矣况當時啓釁不過一二

夷婦耳守土者誠能先事預防隨機應變決不致猖獗如是却乃貪功好勝不恤人言以致滋蔓重貽地方之患誰之罪耶

上召劉尚書大夏與戴都御史珊議論人物大夏言及某一時人物上曰內閣學士劉健屢舉此人朕已熟察之矣其人奸作威福好虛名無誠心爲國家在陝西巡撫時與鎮守內臣同遊奉王內苑廝打墜水遺國人之笑及任戶部侍郎令他來贊北征官軍惟以參奏總兵等官爲事不能畫一策以裨軍旅因其誤事所以退他這等何以稱爲人

物大夏等叩頭不復敢言

司禮監太監陳寬等奉命揀選坐營近侍內官

上命劉尚書大夏往預其事大夏對曰國朝故典外官不得干預此事候久不退上笑曰豈憂此

曹他日害卿耶有朕在上何憂之有竟令英國公張懋與大夏同往內有太監岑璋者久恃寵眷私乞不欲預選上已許之既而諭大夏曰若岑璋臨期不至當據法處置大夏等對曰既已有旨見容難再別議上曰朕雖一時情不能已許伊然未嘗傳出令爾曹補本何謂有旨及期璋果不

至遂與陳寬等叅伊方命頃刻卽批出云本當拿
問且饒這遭璋聞之恐懼衆近侍皆自此檢束不
敢肆

都御史戴珊累以疾辭不允 上一日召劉大夏并
戴同入行間戴懇劉曰少頃進見當舍已爲我言
之及見議論公事畢 上論曰爾珊昨日何以又
陳老疾求去珊顧劉未敢對遂進曰都御史與各
道係互相糾劾衙門若堂上官以病不出恐爲御
史所劾不得不奏珊實有病不敢假 上曰賓客
在人家告歸主人懇留之亦置家事而止爾何忍

涕朕意如是耶珊感而流涕 上亦爲之感動上
下相對不能言者久之 上曰爾等姑退珊退謂
劉曰自此以後雖死不敢言去矣

甲子閏四月 上命大學士李東陽往闕里祭告其
勅諭云近因闕里燬于回祿爰命有司重建厥功
旣成茲遣卿往彼祭告夫先師道德萬世之所宗
鼎新廟庭一代之盛典以故禋告之禮特委輔弼
之臣卿其精白一心寅恭將事務期聖靈昭假以
副朕隆師重道之懷事畢星馳回京欽哉故勅其
祭文云 皇帝遣太子太保戶部尚書兼謹身殿

大學士李東陽致祭于先師大成至聖文宣王
曰惟我先師代天立教禮嚴報祀四海攸同嶽降
在茲廟貌自古頌惟災變實警予衷爰勅有司命
工重建越旣五載厥功告陳宇棟鼎新器物咸備
光昭儒道用妥聖靈特遣輔臣遠將祭告尚期歆
格來享明禋謹告

先是兗州知府龔弘一夕夢謁孔廟宣聖對之泣下
旣寤不知何祥次日適當謁廟禮畢弘升殿命諸
生揭幔瞻視正見塑像龕傾損裂殿瓦穿漏當其
上有水迹下被像面帷幔亦且弊腐弘惕然亟爲

整飭完好未幾廟災時庚申七月八日也初其日未申間廟庭烟氣鬱勃旣而火起樹杪延及廊廡室宇焚蕩樹木甚多前代碑刻咸在燬燼是年建寧書坊及廣信張天師家一時俱罹鬱攸之厄亦可怪也

上一日退朝宣劉尚書大夏議論國事久之言及左右大夏未及對上曰爾赳赳不言者豈尚疑我是聽左右人言語之皇帝耶大夏叩頭謝

癸亥正月郊上以微恙不果行有旨俟平復親舉至二月中旬始克行蓋上謂天子祭天地不可

假諸臣下必俟疾愈方舉此見義精也故鑒輿出
郊遠近快睹皆呼萬歲李閣老東陽有詩云

聖躬已豫思蠲潔願達平安上紫宸紀其實也

淮楊大饑巡撫等官累上疏告急上召劉大夏諭

曰淮楊饑荒十分狼狽雖嘗令有司賑濟撫按不
知近來何如爾曾用心此事否大夏對曰臣待罪
兵部才短憂亂實嘗用心深訪此時可無憂矣

上曰何以無憂對曰臣聞淮民窮極思變間偶遇

聖旨文書行到遂寢其謀上曰是何文書對

曰卽近日准各衙門所陳弊政行去的勘合上

曰朝廷政事得失若非各官陳奏朕何以知之今
後爾等有所奏言皆不可避諱

張學士元禎南昌人爲日講官 上命設低几就而
聽之蓋張短小不及四尺且貌寢然聲音朗徹聞
者竦然 上亦起敬故設此几以便之張自七歲
能屬文稱爲奇童嘗請 上讀太極圖西銘諸書
上亟索之內閣以圖本進 上覽而歎之曰天
生斯人以開朕也可謂不偶矣

甘肅副總兵魯麟自先世歸附居莊浪之西大同部
落甚衆至麟有才智而性頗驕傲結納嬖近求爲

甘肅掛印總兵官不得遂棄官西回大同假托以
子幼奏願歸撫其部落漸有不臣之風聞於京奏
至公卿私議有欲俯令其掛印消其異心者有欲
召至京師處以散地者 上召劉尚書大夏諭曰
若就令魯麟掛印是遂彼要君之心不可召之何
如大夏對曰無遂彼要君之心誠如聖諭但使其
不得遂願卽棄任走歸則恐召之不至難於處置
莫若從彼撫部落之奏不逆其心而陰奪其副將
兵權 上曰朕意欲如此惟恐彼恃其部落胡
爲大夏對曰聞此人貪酷失部落之心若失兵權

安能獨爲明日覆奏遂降勅獎伊上世忠順而後
其請麟竟快快成病不踰年而死

公卿中有一人善能結納嬖近每於上前譽其才

能一日上諭劉大夏曰聞某極有才調大夏未

敢對上疑大夏聽之未真復大聲曰工部尚書

李某爾知之否大夏仍未敢對上諭其意遽笑

曰朕惟聞其人能幹辦耳未暇知其爲人也大夏

叩頭曰誠如聖諭

一日早朝通政司奏事無兵部事劉尚書大夏止在

大班中未出班聽候上未及見候朝退召劉尚

書論曰今早意欲召爾因不見而罷恐爲侍班御史劾爾故也且爾同類中亦有不樂爾者自今宜慎之大夏叩頭謝罪而退蓋時大臣不平劉獨蒙眷顧有偏聽生姦獨任成亂之語因左右聞于上故有此論

劉大夏承 上眷顧思欲薦才報國予同年王綸陝西人因王親除松江推官爲人譴詐移名自負兵曆醫卜諸事無不精曉欲求爲京官乃託人延譽于朝時考滿來京劉真以綸爲知兵遂破例薦爲職方主事 命下吏部馬鈞陽以爲王親不得任

京職此 祖宗舊例似難輒改 上意向劉又批
云你每還會兵部議了來說馬恐劉在 上前有
別詞乃曲從其請綸得職方主事其志洋洋矣劉
常對人言我非欲破例但部中多事得一知兵者
在司屬可以備緩急之用然綸實非知兵徒能言
耳楊都御史一清以其門人故力薦之於劉劉亦
不察觀其後從宸濠反逆爲其行軍一敗塗地可
見矣人之難知有如此

各邊有警守臣求增兵餉戶部奏稱錢糧不給 上
召劉尚書大夏諭曰永樂間頻年舉兵北征況大

興營造費用無貲當時未聞告乏今百凡俱從減
省何以反不足用昔人云天下之財不在官則在
民今安在哉大夏對曰 祖宗時民出一文公家
得一文之用今取諸民者數倍而實入官者或僅
二三 上曰歸之何處大夏乞退奏 上曰正欲
與爾面論此事詰之至再倉卒不能對乃舉所知
一事對曰臣徃年在兩廣時曾通以省城中文武
官俸給與某官一二人歲用計之猶不相當此亦
以侵民財之一端也蓋指鎮守內官 上曰曾有
人說今天下應該裁革此官熟思之自 祖宗來

設置已久勢難遽革況中間如某某亦儘有益於
地方莫若今後有缺必求如某者用不得其人則
姑停止之

上優禮大臣無大故未嘗斥辱如尚書劉大夏都御
史戴珊輩往往召至 幄中從容講論 天顏和
悅真如家人父子內閣諸臣皆稱爲先生李西涯
有詩云近臣嘗造膝閣老不呼名蓋實錄也

紀錄彙編卷之八十六
治世餘聞上篇卷之四

芷沅箬陂微臣

上一日召劉尚書大夏諭曰朕嘗欲於附近東西地方各操人馬一枝以爲京師左右掖何如大夏對曰保定止是一府地方獨設一都司統五衛在彼仰思祖宗之心恐亦是此意未幾一御史陳言議欲發回各處輪班京操官軍因擬將保定兩班一萬人回衛團操奏入上可之遂敕令京營都指揮戴儀往任其事人不知此出自上意遂有

造飛語者揭帖子於官門相誣 上取帖子付太監苗達令出以示大夏明日 上復召面諭之曰官門前豈外人可到必是忿不得私役此軍者所爲大夏叩頭謝時京東軍亦於密雲薊州責成巡撫官城堡已備因兵力未集其事竟廢

問刑條例成於弘治庚申先是有 詔謂近例太多人難遵守三法司查議停當刊布於是尚書白昂侍郎屠勛何鑑都御史閔珪侶鍾大理卿王軾等會奏御史王鼎王恩郎中楊茂仁等查出會議開例以 上再命會同吏部等衙門覆議皆已停當

白刑書又題請刊行未爲遵守未幾白去位閔代之議者紛紛給事中孫禎葛嵩徐昂等則謂私役軍伴立嗣擇立賢能及所親愛典當田地已勾本利交還原主等項是起爭端而王府又奏郡王將軍妾媵定數及冒支官糧之類皆非所以待宗室將示與庶民無異要行革去奏下多以爲宜改而致仕閣老尹直復貽書當道以爲前日諸臣刑名欠精率多窒碍徒爲誨淫長奸之地時諸司議亦不同予同年沈員外文華時官章奏爲閔所重予謂沈曰今若改一條其餘皆不可存矣豈未爲遵

守之意哉衆以爲然乃質諸閔公遂覆奏云前例數條委皆停當但近年奉法者率多拘泥牽合以致有言乃申明數語稍加增潤上請遂得 俞允其覆宗支繁衍與國初不同與其犯之而後治以法非惟無益於事而傷恩亦多矣固欲先事豫防其保全敦睦皆深意所存是古先宮中府中一體之義尤爲親切群議乃寢

上一日宣內閣臣諭曰遼東張天祥事東廠緝事揭帖云當時御史王獻臣止憑一指揮告誘殺情詞吳一貫等亦不曾親到彼處止憑叅政甯舉等勘

報事多不實今欲一千人犯提解來京令錦衣衛
於午門前會問方見端的大學士劉健等皆對曰
如此固好 上以揭帖付健曰先生輩將去整理
健等退具揭帖云都察院本旣已批出東廠揭帖
又不可批行須待會勘至日再議次日 上又召
內閣兵部來至門上兵部選鎮撫司理刑官畢健
等入至暖閣 上盛氣曰張天祥事秘密未行先
生輩昨所進揭帖祇合親書密進如何令書辦官
代寫健等皆叩頭曰東廠揭帖已封定不曾令書
辦官見之 上曰閣下揭帖內乃有提解來京等

語此事尚未行且欲解京者正欲明白其事先生
輩固以爲不可行何也健等對曰臣等非敢阻解
京但無故傳旨事體未便故欲少待會勘耳上
曰此事已兩番三次何爲非阻皆對曰此事已經
法司勘問皆公卿士大夫言足取信上曰先生
輩且未可如此說法司官若不停當其身家尚未
可保又可信乎大學士李東陽對曰士大夫未必
可盡信但可信者多其負朝廷者不過十中一二
耳大學士謝遷對曰事須從衆論一二人之言恐
未可深信上曰先生輩此言皆說不得此事密

切令人到彼處體訪得來誰敢欺也皆對曰此事
干證皆在彼處恐勞人動衆耳 上曰此乃大獄
雖千人亦須來若事不明白邊將誰肯効死徼等
皆對曰賞罰朝廷大典臣等愚見正欲 皇上明
賞耳 上曰賞罰事重朕不敢私但欲得其實情
若果係撲殺貪功啓釁豈可從之若果有功被誣
須爲伸雪語久龍顏少霽曰須傳旨行之皆應而
出後又復召 上從容問曰昨因張天祥事先生
輩言文職官不負 朝廷亦不應如此說文官雖
是讀書明理亦儘有不守法度者徼等皆對曰臣

等一時愚昧干冒 天威東陽曰臣等非敢謂其皆不負國但負國者亦少遷曰文官負國者臣等亦不敢庇護必欲從公處置 上笑曰亦非謂庇護但言其皆能守法則不可耳因謂此事當如何發初欲傳旨先生輩謂別無事由猝然改命猝者暴疾之意此亦未爲猝也如是者再皆應聲曰臣等見都察院本已批出無行只欲事安穩耳 上曰緝訪之事祖宗以來亦有舊規今令東廠其所緝事題本批行皆對曰不如傳旨 上乃命擬旨提解至京 上親御午門城上錦衣衛引囚至上

令三法司都御史戴珊等鞠問回奏大槩謂前事
乃以匿名文書而行上遽曰匿名文書見者卽
當燒毀此係律文如何輒以施行群臣皆惜伏莫
敢仰對遂決其獄重輕有差吳一貫等皆落職

上銳意興革一日召劉尚書大夏至幄中諭曰各衙
門應詔查出弊政雖具准行然未有及內府事者
朕聞在內弊政莫甚於御馬監光祿寺且言官亦
嘗論及朕將親理焉大夏對曰此皆干係內府必
須皇上見定而自主之異日遣科道官同兵部
侍郎各一員奉敕往清其事旣而二處減去浪

費每月以白金計之各不下十餘萬兩

上復慮天下有司多不得人乃召戴都御史珊及劉
尚書大夏同至幄中諭曰爾等與各科道官勸朕
圖治的說話雖都准行去了然使天下府州縣親
民官非人未必不爲文具百姓安得被其恩澤欲
令吏部擇其賢否黜陟然天下官多難得停當細
思之莫若自今與爾等訪察各處巡按二司官先
當以此輩黜陟停當爾珊更慎擇各處巡按御史
然後責他們去揀擇府州縣衛所官得其人人受
其福庶幾行去的說話不爲文具也二人叩頭退

因與同列共歎曰 堯舜知人安民之德不過如此 戶部主事李夢陽言事語侵官禁左右太迫下錦衣獄越數日 上召劉尚書大夏議邊事言畢諭曰李夢陽後生無涵養進言大戇因令下獄有告朕避罪諫官之名免付法司議擬止欲杖而放之爾以爲何如劉倉卒未及對 上遽曰此言豈真愛

朝廷之好心不過致彼於死以快私忿耳大夏叩頭謝曰 聖明洞見人心如此豈徒言事之臣之幸旣而卽有旨釋放復職此 乾坤包含之仁今

古鮮儷也夢陽初爲戶曹快快不樂考滿日尚書
侶公鍾署其考曰一官不滿其心三差不終其事
人以為然夢陽之疏蓋有所激之耳然其負才使
氣習與性成後遷提學副使乃挾制撫按凌軋僚
友又與逆藩交通蠅興大獄勘官劾其士行有虧
亦不誣也

乙丑五月 上不豫初六日早司禮監太監戴義宣
內閣臣直至御榻上著黃袍便服坐榻中南面
大學士劉健等叩頭 上令近前者再既近榻又
曰上來於是直叩榻下 上曰朕承祖宗大統

在位十八年今年三十六歲乃得此疾殆不能興
故與先生每相見時上玉色發赤火聲盛氣健
等皆對曰陛下萬壽無疆偶爾違和暫須調攝安
得遽爲此言上曰朕自知之亦有天命不可強
也因呼水嗽口掌御藥事太監張愉取金盃盛水
以青布拭舌勸上進藥不答愉曰再進此一服
卽無事矣上曰朕爲祖宗守法度不敢怠玩允
天下事先生每多費心我知道因執健手若將未
訣者上又曰朕蒙皇考厚恩選張氏爲皇
后成化二十三年月日成昏至弘治四年九

月二十四日生東宮今十五歲矣尚未選婚社稷事重可亟令禮部舉行皆應曰諾時司禮監太監陳實奉榮蕭敬等以次畢至皆羅跪榻外上曰授遺旨扶安李璋捧筆硯戴義就榻前書之上又曰東宮聰明但年幼好逸樂先生每請他出來讀些書輔導他做箇好人徒等皆叩頭仰奏曰臣等敢不盡力上復加慰諭而退

錄

其詳具李東陽燕對

乙丑冬初建泰陵時都下盛傳其地有水吏部楊主事子器直言其事時督工太監李興素有殊寵

勢焰薰灼遂下楊錦衣獄莫敢抹適有起復知縣
丘泰莆田人到京上䟽言楊某此奏甚有益益泰
陵有水通京師皆云使此時畏而不言萬一梓宮
葬後有言者欲開則洩靈氣不開則抱終天今開
看無水此疑遂釋故云有益尋遣司禮監押楊往
衆謂楊必遭興毒手及至興率奴客罵詈欲捶楊
司禮監太監蕭敬則曰水之有無視之卽見李歌
何必粗躁取茶出曰楊先生來換茶又顧李曰他
士大夫可殺不可辱遂得免回奏實無水楊榜甚
重衆又謂楊必至降謫刑部擬奏 太皇太后聞

之曰他秀才官說有水也是他的意如今沒水便
罷如何只要擺布他遂得免罪可謂不偶然矣楊
慈谿人好古而有文學嘗三作縣俱有異政但性
稍偏雖數言事鮮知大體惟此奏爲人所難也
時擬上尊諡廟號禮官集議以上仁聖近代罕比
難於模寫欲擬上敬字廟上孝字或以爲未足內
閣有云孝爲百行之首敬爲萬善之源實不可易
也議遂定亦實錄云

欽定四庫全書
續資治通鑑編卷之八十七

治世餘聞下篇卷之一

正沅箬陂微臣

建昌何公喬新素有重名成化末蜀人杜銘欲求爲
刑書萬閣老預薦何爲南京刑書恐妨銘耳及太
監懷恩起自謫所一日詣內閣言新君卽位如
何以何喬新陞去南京時尹閣老徐對云初以其
年深暫且陞去今有此闕又何難取劉閣老遽曰
纔到南部如何可取尹曰取屠藩亦可劉曰在廣
東未歸尹曰昨具題本已復南臺矣劉曰年亦淺

蓋劉欲進一私人而不果遂空其位乃薦彭韶爲
右侍郎戊申春冢宰王公首舉何爲司寇士夫翕
然稱快

河南耿公裕爲禮部尚書時常曰吾暮自部歸必經
過三原之門見其老蒼頭每持秤買油吾自入仕
未嘗買油故每過輒面城而行蓋愧之也後耿公
代王公爲吏書常以此語人其心服如此可謂賢
已又朝士嘗言公之子自三原來京省公只如貧
士止騎一騾而已有司驛遞何從奉承之又公女
適宋監生者只乘市井所顧兩人小轎嘗以銀二

兩託雲南張鳳儀知印買寶石吁嗟切勿使公知之其刑于之化非一日矣

弘治改元

今上卽位例該頒

詔外國江西劉景

元戩以侍講使交南時交人吞占城侵緬甸頗難其行劉毅然上道携二僕由南寧直抵其境交人驚曰昔之人皆航海來颺檣蔽洋貿重易奇今公豈天人耶何其簡速也奉迎館候視昔倍恭陪臣拜跪劉據大明集禮之文受之不與交一語至之日頒詔明日宴畢卽行王大驚曰一國生靈命緣天使致饋遺豐腆倍昔金珠犀象玳玩甚多劉

一不顧卽行復遣陪臣要於路期必致之劉復書
示以初入關詩曰咫尺天威誓肅將寸心端不愧
蒼蒼歸裝若有關南物一任關神降百殃交人益
敬悚遣陪臣入謝表有廷臣清白之語云

鄒智蜀人甫冠中甲科改庶吉士卽言事直斥內外
執政人多忌之已酉春知州劉槃御史湯鼐妄言
朝政忌者遂指爲妖言併捕鄒下獄苦楚不可言
鄒無所曲撓供詞畧云智與今湯鼐等來往相會
或論經筵不宜以大寒大暑輟講或論午朝不宜
以一事兩事塞責或論紀綱廢弛或論風俗浮薄

或論生靈憔悴無賑濟之策或論邊境虛空無儲蓄之具議者欲處以死彭侍郎韶辭疾不為判案乃得末減左遷石城吏目

鄒智嘗因三原公徵起至京師往見之曰三代而下人臣不獲見君所以事事苟且先生勿受官職先請見君凡時政之不善者歷陳於上庶其有濟一受官職再無可見時矣公雖善其言而莫能從山東秦公紘以都御史總督漕運以巡按御史事關巡撫者多會案不肯徑呈因會議言其非制王三原公深然之議稱巡按巡撫事有相關者悉照行

移體式而行已著為令然遵行者亦鮮初巡撫官以六部卿佐奉 敕以往按察司以非統攝文移偃蹇不受約河南耿公九疇以侍郎鎮關中特奏下之至今遵行以後巡撫官俱改都御史正緣是耳然與御史自有堂屬體何又偃蹇如是哉

江西蕭子鵬偽道學藩臬以其虛名特往候之弘治初應懷材抱德之詔起赴京師冢宰三原公亦以禮遇之後循例撥工部辦事上廳事直印堂官還第子鵬則負印前馳京師人戲之曰蕭先生於材未有所試其抱負則有之矣聞者為之絕倒

瓊臺丘公濟學博貌古然心術不可知人謂陰主御
醫劉文泰許奏三原公令人作傳事可見其榮矣
嘗與同寅劉閣老吉不協劉作一對書之門曰貌
如盧杞心尤險學比荆公性更偏時論頗以爲然
丘瓊臺嘗以糯米淘淨拌水粉之瀝乾計粉二分白
麪一分搜和團爲餅其中餡隨用煖熟爲供軟膩
甚適口以此餅托中官進上上食之嘉命尚膳
監效爲之進食不中式司膳者俱被責蓋不知丘
之法制耳因請之丘不告以故中官歎曰以飲食
服飾車馬器用進上取寵此吾內臣供奉之職

非宰相事也識者貴其言而鄙丘由是京師傳爲
閣老餅又所進衍義補中間並無斥及內臣一言
說者謂其書必欲進進必揣近侍喜斯刻之此其
心術之微也

劉閣老吉博野人屢干清議言官論之輒得溫旨
人謂之劉綿花以愈彈愈好也

莆田彭公韶爲吏部侍郎時人不見其笑容殆可比
宋包拯及遷刑書尤能執法嘗奏減百官柴薪皂
隸之半朝士爲之一喧以爲今俸不實支較前代
已薄所仰給者在此而欲遞減其何以養廉事下

兵部尚書馬公奏不問減遂如舊說者謂彭公老
于治書豈不識既富方穀之義詢其由蓋欲論內
臣一二事故先言此以示無偏也然大臣行其所
無事似不當容心如此

天台夏鏤進士放回違限例當送刑部問罪鏤以爲
母不服且以詩風貢郎中欽欽不懌據法白于三
原王公欲送問鏤急因言曰必欲問有死而已鏤
嘗以所作文獻三原公公因停其事命其屬官勸
鏤曰果不可免則以進士還官長歸養母而已張
主事志淳因解之曰子節誠高矣然中進士則

不比隱者可行其志今公惜才好文乃如是故遣
某相告果不服而長歸任子歸矣則轅法行浙江
巡按御史下縣提子顧不驚令堂平夏遂語塞還
以白公公喜見顏色道一辦事官持手本引鑵送
刑部又叮嚀所遣官善慰諭之及官回又召張引
官而問曰鑵去云何曰送至刑部門外鑵發歎而
易衣以進公微笑曰汝在道還使之衣冠乘馬否
官曰然又微笑謂張曰此少年有文而不知法故
委曲成之公嘗與予言三原公於一進士猶愛
惜保護之勢此而法則不少屈可謂難矣

仝司冠喬新精於吏事文學尤長屬官凜凜奉法先
是大理寺丞缺率以刑科及御史爲之適南京缺
丞何力薦其屬魏郎中紳補焉御史鄒魯在道年
深欲得此缺心甚嚙之會何外氏來京主其家與
鄉人訐奏魯遂誣劾何受賄主使何不辯乞歸然
實不與知也何在部聲望與彭鳳儀韶相埒皆學
有經緯彭先卒謚惠安士論不蒲林見素俊巡撫
江西并論其事何因得謚文肅亦奇遇也

巡按御史與三司官相遇憲綱所載明甚但近來御
史張勢太過諸司亦曲意奉承習以爲常李興者

河南人性尤躁暴巡按陝西凡三司官進見令聽事吏在於大門高聲叫三司官作揖門子傳說進來皂隸齊聲喝說進來又打死平人數多又與巡撫都御史新城韓文相忤文劾奏差官勘實寘於大辟三原王公恕疏解之得免死自是三司官無報門之例然威福尚猶然也嘗聞先年一老監生任左都掌院群屬忽之乃與二三新差巡按者相約入辭且請教掌院者厲聲云出去不可使人怕回來不可使人笑群屬凜然固名言也

李興在陝魯辯一獄人亦稱之有楊二官人者係大

辟久不決引稱係寃不已查得本犯先年方十餘
歲與一女子通姦因殺死巡檢夫婦連其父及其
嫂錄之嫂訴舅姑及夫俱止止遺妾與夫妹同居
夫妹年方一十六歲一日與妾閒步後園忽見牆
外一少年騎馬過此人貌美妾不合稱之曰姑若
得此爲配一生足矣夫妹與妾曰斯何人也妾曰
此卽東門楊二官人旣還室越月餘有故翁舊識
一巡檢任蒲攜妻孥回遇日暮來投宿妾以翁故
留之以夫妹併宿妾室却以姑室居巡檢而以其
子居於外不意是夕爲人殺死巡檢夫婦今蒙審

敢吐實以告李審其語亦如婢言李又審楊二官人汝何彼時已伏今又稱冤楊二官人訴曰某一時年幼素亦未嘗桎梏又不勝箠楚含冤承認實不知情復問女曰汝與彼相處月餘何無暗識女曰貌固不能識但曾捫其左膊上一肉瘤李乃驗楊無有叱衆且退乃囑有司集女家左右前後四鄰四十戶共訊供楊有無通姦殺人情詞連人解院有司卽集衆訊供呈解李覽俱正楊二因姦殺死人命李怒衆曰汝等扶同不詢源委彼旣行姦豈復由告報而鄰汝等何據而知卽叱

左右去衆之衣面縛令鞭其背密視之見一屠者
左膊有塊李遽呼之前曰汝知死乎殺人者汝也
屠知情真事實泣曰已知李曰汝何殺死巡檢又
何得而姦其女屠曰是日其姑嫂在園相戲時我
因盜彼園中笋耳聞其聲卽潛伏於草莽中俟其
旣回至夕因假楊二官之名入以求姦相處月餘
一夕復至其處見二人同宿于牀某不勝忿怒謂
其又私他人歸取屠刀殺之初不知其爲巡檢夫
婦也李曰何不當時自首屠曰固畏縮苟延耳乃
坐法而出楊二此亦折獄龜鑑故記其畧不以人

紀錄彙編卷之八十八

治世餘聞下篇卷之二

芷沅箬陂

世家多蓄異姓爲繼子卒之視如土芥者多三原王公少有一子命名承祚後生五子命名字中亦同幼子承裕公第進士其登科錄書兄弟行承祚居長下註釋義官忠厚之風于今僅見

南京守備太監錢能與太監王賜皆好古物收蓄甚多且奇五日令守事者昇書畫二櫃至公堂展玩畢復循環而來中有王右軍親筆字王維雪景韓

滉題扇惠崇閩牛韓幹馬黃筌醉錦卷皆極天下之物又有小李大李金碧卷董范巨然等卷不以爲異蘇漢臣周昉對鏡仕女韓滉班姬題扇李景高宗瑞應圖壺道文會黃筌聚禽卷閩立本鎖諫卷如牛腰書如顧寵諫松卷偃松軸蘇黃米蔡各爲卷者不可勝計掛軸若山水名翰俱多晉唐宋物元氏不暇論矣皆神品之物前後題識鈐記具多錢併收雲南沐都閩家物次第得之價迨七千餘兩計所直四萬餘兩王家多內帑物時南都縉紳多得觀之以爲極盛然皆尤物不宜專於一處

也

甲寅張秋隄決、上命中官李榮平江伯陳銳提督
工役祀神焚帛忽見火俄變人形眼耳鼻口皆備
後壽寧戚畹生事害人楊憲副茂元建言之乃以
此爲陰盛所致

乙卯謝木齋遷以詹事入閣我朝狀元入閣者自洪
武開科至今三十八科惟六人若胡文穆廣曹文
忠肅陳芳洲循商文毅彭文憲與木齋而已時人
有詩云皇朝三十八龍首身到黃扉已六人後
三又增費文憲顧未齋二人

三原王公以太子太保吏部尚書考滿援例請授柱
國階勲時安陸孫公交時爲屬司受知王公最深
對人云文官柱國以上不許請授制載諸司職掌
甚明成化末萬閣老安一品考滿始封吏部請給
尹公旻以太子太傅爲吏書將滿遂創爲萬請而
循之今王公正人必矯前弊將伺間言之見公已
刻有柱國圖書乃止後屠公瀟以太子太傅爲吏
書亦有請給時馬公文升以少傅兼太子太傅爲
兵書考滿當給三公不協因固執惟內閣與吏書
有請給之例兵部不當請尤爲無謂馬乃言之於

內給之張公志淳時爲吏部郎中嘗歎曰此無法守矣

雍王之國舟經岳陽土人傳岳陽樓自純陽降靈之後往往多仙逸迹往年有仕者大作道曲事畢徹筵場翌日命從人再登樓灑掃忽見案上有大字兩行曰岸嘴長狀元出城巢鶴潘王過字勢飛逸不類人手真神仙書也亟下報郡邑咸往觀之已不見矣因記其語邦人盛傳之嘴在洞庭湖濱久没于洪波至天順丙子忽沙泥頓漲岸嘴遂出湖中明年丁丑華容黎尚書淳果魁天下又數年忽

有群雀作露巢于城顛衆皆異之已而有王府建國于衡道出城下焉至是始信呂翁降筆也

馬公文升爲兵書時建言北岳當祀于山西渾源州之恒山今南祭于曲陽縣者蓋始於李唐飛石之祠而宋地不及北岳所在故志有恒山飛來之說今京師在北恒山在境內而顧南行以祀北岳非禮也請改祀於恒山爲允事下禮部時倪公岳爲禮書固執舊志言不可遂寢馬公嘗語人倪非以志必可信也其父謙尚書公初無子因嘗遣祀曲陽之北岳私禱于神永子夜夢岳神指旁侍一

人與之遂生倪公因名曰岳以是渠固執不改祀
然舜巡狩所祀北岳見在渾源州南二十里彼人
猶知奉祀而顧可往曲陽縣西一百四十里祭乎
殊非禮矣

丙辰春予會試至京師聞喧傳今年狀元仍在蘇州
蓋先是有一舉子夢蘇州城大街盛張鼓樂兩人
夾持二旗上大書狀元二字二人持竿遍身流血
先是癸丑太倉毛公澄爲狀元亦夢蘇城迎狀元
今必驗矣後果崑山朱公希周爲狀元方悟二人
被血通紅乃朱也宋初中會試有人送宋鑑云司

馬公五規不可不看朱遂熟讀全文後制策果有此段朱遂備書之閣老徐劉二公得其卷稱爲博學薦爲第一

陸御史完丙辰巡按汴梁一日行湯陰偶見道傍間有石刻書盡忠報國四大字陸意謂岳武穆所書蓋湯陰武穆故鄉也是日駐節行臺夜寢夢入岳祠瞻拜王起延陸坐語之曰我解兵事時在杭之西湖甚得山水之樂今棲于此祠宇傾圯甚不安之願君爲我料理陸答曰恐某力不能終工也王曰君毋固辭陸復問曰素聞王爲秦檜所害有諸

王曰間有是言然終害者張希也陸又曰今有子孫存者否王曰惟雷見有一子其後竟絕矣言之令人可悲陸熟視王貌蘭室間有四痣旣覺明日卽謁王祠瞻拜畢見王貌與夢中不爽詞宇卑隘傾頽王貌果爲風雨所侵鼻間剝落四處陸異之卽以本縣羨餘銀百兩命新之不半載廟貌殿宇煥然一新此亦陸公與王感遇之深陸後亦官太宰乃爲王壤所害

丙辰春吏部缺尚書衆推兵部尚書馬公文升左都御史屠公濬及一二侍郎堪補馬自以部次年勞

當得之不意竟歸於屠馬意不平賦一近體云朝
罷凭闌一黯黯獨將心事訴蒼天清朝有意推公
道白髮無心著錦鞭天下浮雲偏掩靄地中陰氣
已凝堅云屠旣得吏部當班於馬之上固辭居
下是雖謙讓然亦其中有未安也

丙辰進士未闕選時忽傳要選十一人同舊進士一
人分撥五府錦衣衛脩書人皆不測其由復訪知
乃一上科進士以養病應外選欲求內補百謀未
遂聞徐首相溥好古貨可通其人素雄于貨乃購
古琴古畫并珍品投之首相遂許乃與太宰屠公

謀令各衙門纂修會典緣府衛皆武職恐采輯不備不若於在部聽選進士內擇其有文學者分撥前項衙門俟成書皆准授京職屠以爲然初進士登科不樂外選多幹公差或養病回因以爲後圖至庚戌以後執政建議除丁憂外凡養病公差回或內外選以下手一人爲主其人下手實外選者設謀如此可謂巧宦者矣後得授禮部主事累經彈劾固不足深論但宰臣如此可謂亦將焉用彼相者也

予同年一人南京人精於文義中弘治壬子書魁乙

卯代貴官子入試浙場貴官子高第又與其人同
中甲科時人有詩云有錢買得鬼推磨無力却教
人頂缸某也位高身子厚某也衣短手兒長其詩
盛傳於時後二人皆不容於清議一止浙僉一止
太僕丞今科場要令批首立貢院門內辨閱同試
者面貌方入蓋由此始聞其人入試日亦甚秘密
惟有一人見其鬚不類心頗疑之始傳其事云
予同年吳江字從岷爲刑部主事差還復命鴻臚
寺官語之曰聲音要洪大正選通政時也起身不
要背上至日早吳果努力高聲亦無首節又橫走

下御街西 上爲之解顏時同僚楊郎中茂仁作
一對句云高叫數聲驚動兩班文武橫行幾步笑
回萬乘君王一時盛傳資謔云

戊午夏京師西直門熊入城守衛者不知間有被傷
者大司馬鈞陽公謂野獸入城非宜旣叅問守衛
者因乞嚴武事以備盜賊時郝陽何主事孟春在
職方謂同列曰熊之爲兆旣當備盜亦須慎火同
列莫曉未幾城內在處有火災禮部燬焉或謂何
此於占出何書何曰余不曉占書魯記宋人紀紹
興巳酉永嘉災前數日有熊自楠溪渡至城下高

世則謂其倖趙允蹈曰熊於字能火郡中宜慎火
燭果延燒官民舍十七八予憶此事而云然不意
其亦驗也

弘治中有回回入貢道山西某地經行山下見居民
男女競汲山下一池回回往往行謂伴者吾欲買此
泉可往與居人商評伴者漫往語民言焉有此買
水何用且何以携去回回言汝毋計我事第請言
價民笑漫言須千金回回曰諾卽與之民曰戲耳
焉有賣理回回怒將相擊民懼乃聞於縣縣令亦
緝之曰是須三千金回回曰諾卽益之令又反復

言之以至五千回回亦益之令亦懼以白於府守
守令語之曰此直戲耳回回大怒言此豈戲事汝
官府皆許我我以此逗留數日今悉以貢物充價
汝尚拒我我當與決戰卽挺兵相向守不得已許
之回回卽取斧鑿循泉破山入深穴得泉源乃天
生一石池水從中出卽昇出將去守令問事旣成
無番變試問此何物耶回回言若等知天下寶有
幾衆曰不知回回曰今具珠玉萬寶皆虛天下惟
二寶耳水火是也假令無二寶人能活耶二寶自
有之火寶猶易惟水寶不可得此是也凡用汲者

竭而復盈雖三軍萬衆城邑國都只用以給終無
竭時語畢欣持以往

已未朝覲考察畢科道建言天下方面知府等官有
治行表卓者宜加褒異如古車服以庸之義於是
吏部訪舉數人宜獎疏上中止壬戌春言者又舉
故事吏部亦訪舉六人而布政周孟中朱欽皆在
優列亦不果行意者或以所舉者未盡當而止然
此實風厲臣工之大要前代賜金粟皆盡其人乎
亦舉一勸百之典耳

王古直黃巖人有奇氣不爲人屈嘗與黃侍郎孔昭

謝侍郎鐸友善一日遊京師鄉人有坐事者古直
侯諸官官併捕入刑部獄獨暴立烈日不與衆囚
伍李主事廷美異之檢衣帽間得柯學士諸詩問
之曰爾能詩耶使賦日影詩成縱之歸長揖而出
獄吏皆大笑自是得名旅食三十年無僮僕不置
釜餽有大籠五六惟詩畫數百幅中貯酒壺辰出
飲一兩勺已復鐫之以去上元節京師燒糯汁爲
瓶以貯水蓄魚旁映屏燭通明可愛俗呼炮燈古
直買置于館日玩弄爲兒戲一日誤觸碎意怫然
不樂曰吾平生家計在此今蕩盡矣方作草書直

橡吏至曰遽敗吾興橡欲歐之或俾自爲計古直
曰我固可歐歐則吾名益彰一日遇諸塗竟被歐
獨袖手承之以歸亦不以屑意也或勸使仕大言
曰我來爲爵祿圖耶盍科舉乎則歎曰安得以少
年處我嘗在酒所歎曰此亦功名事業也蓋亦一
世奇士云

紀錄彙編卷之八十九

治世餘聞下篇卷之三

芷沅箬陂

錢塘倪公岳庚申夏以南京兵部尚書改吏部尚書
一時極有風裁人畏奉之恐後惟爲都御史張公
敷華一沮蓋公從南來假錦衣官之宅以居後欲
償以值堅不受云有鹽在淮乞一書與張獲支則
已矣公從之張得書云我知倪冢宰風裁且吏部
外官所當奉承第某老矣行且謀歸不能屈法以
奉人也大悔沮

庚申夏彗星出虜犯大同析長城入關兵出屢不利
京師童謠云天上有掃星地下有達兵若禿須殺
馬文升蓋馬父居兵部局幹不遠惟恃險刻爲事
朝廷有時賞賚各邊多奏裁之京軍布糧亦從減
削遼東朵顏三衛朝廷恃爲藩屏設都督一員指
揮四員統之近年某都督死其子來襲舊例惟命
有文憑驗過則與之襲馬欺爲遠人收其諸憑延
推歲月不與奏請其子發忿以歸示統部落以其
無職署皆不可順使馬又奏沙汰天下武職其連
歲賞賚鮮薄上下易心遂致大衆寇邊而爲之聚

怨中外騷然由是因冢宰闕位營遷以避禍言官
吳人杜啟彈其臨難避禍不學無術衆是其言古
語云軍不賞士不往軍無財士不來馬蓋不聞此
耳

御史車梁石州人好飲而性闇嘗奉文點閤郊祀齋
宿衙門導至工部梁由中道入司務在二門候亦
不顧至後堂見尚書魯公鑑始知其爲部也猶帶
醉再三央說御史只說此是鴻臚寺人皆嗤之以
年資陞叅議明年朝覲黜退予嘗記陳翰林音初
以編脩考滿到於戶部二司務訝其來扣之始知

其誤認爲吏部也此二事相類然人於陳公多恕之以其文學之士且近於朴實故耳若夫御史之官豈應如是耶

通政司奏事春秋凡七起盛寒暑則省其二自今上卽位無日不視朝供職頗難時元公宇直爲通政使王公敞爲左通政姜公清李公浩新選爲叅議聲音俱不甚稱時有謠云元哭王唱姜辣李苦益元重濁王尖麗姜則急燥李則氣短亦切中云時朝政寬大廷臣多事遊宴京師富家橫色之人亦伺節令習儀於朝天宮隆福寺諸處輒設盛

饌托一二知己轉邀席間出教坊子弟歌唱內不
檢者私以比頑童爲樂富豪因以內交予官刑曹
與同年陳文鳴鳳梧輒不欲往諸同寅皆笑爲迂
亦不相約旣而果有郎中黃暉等事發蓋黃與同
寅顧謚等俱在西角頭張通家飲酒與頑童相狎
被緝事衙門訪出拏問而西曹爲之一玷然若此
類幸而不發者亦多矣

御史張智涑水人稱貸於鹽商某頗多因同道御史
陝人劉堯往淮揚囑其支鹽劉未名智乃與鹽商
謀置酒於城外鄭家花園請堯餞別且宿戒伺酒

酣出妓令二三光棍作緝事校尉緝出挾其必從
後如某謀通勒要銀千兩方免聞官堯無計智佯
曰我與某處商人相厚令其出銀淮楊准其支鹽
就了堯以爲然遂出銀千兩得釋智分其半商人
至淮倍獲且出入無忌堯慮有礙前程遂引刀自
刎而死科道交章劾其故乃真智等於法

壬戌 廷試策問任輔相以脩庶政之意時洛陽劉
公健爲首相主通書心純二字武功康獻元海起
句云天下有不易之事人君有不可易之心遂擢
第一嘗聞宋淳熙間試上孝宗受之光堯主堅忍

二字對答者得上第一人起句云天下未嘗有難成之事人君不可無堅忍之心遂薦第一

壬戌春闈有一士未試前頗有議其事關節者譁然以爲第觀揭榜若誠登第則將有擊之者已而其人不終場而罷後有知者問之乃曰其日方作文忽見其號舍前陟黑不見天日視之乃一人形色衣服正純黑色軀頎且碩當舍背立逕遮其光士亦悟安得此等人託以如廁強出舍出則天日皎然回顧黑人無有少選復入甫坐定又遮之矣出入數四皆然雖強握管不能作一字其士因思此

必寃纏作梗竟舍而出比出自觀爽然卒無他故翰林院學士惟一人多或三五人壬戌秋閣老洛陽劉公健因修會典成欲德翰林一時陞學士者十人時禮部尚書已有六人謝公遷以在內閣張公昇爲禮書掌部事元公守直以禮書掌通政事賈公斌以禮書掌鴻臚事崔志端以禮書掌太常事并南京爲六人崔由神樂觀道士京師爲之語曰禮部六尚書一員黃老翰林十學士五箇白丁一時盛傳以爲的對且有譏警蓋此五人謂山西張陝西楊大興劉并某某皆成化戊戌閣老

萬公安以私意選爲庶吉士者在翰林未嘗讀書其詩文一出人皆嗤之可見公論終不掩矣

翰林院素稱清貴無簿書之擾舊有語曰一生事業惟公會半世功名在早朝所謂清者如此李西涯時爲學士因衆失朝罰運灰炭續兩句云更有運灰并運炭翰林身上不曾饒一時開然又聞有一檢討討裏河之夫又驛丞不接甚不平或謂之曰人多不知檢討何官可只呼學士就好次日果稱學士仍前不出乃賦詩云翰林檢討被人輕却冒瀛洲學士名依舊所司全不理由來知要不知清

癸亥春例該考察京官給事中王益寧國人吳舜浙
江人俱爲鄉人訐奏不法事情自慮公道難廢乃
先撫拾劾馬冢宰文升又刑部主事張敷亦爲帷
薄事見在都察院問理乃以女謁通戴都憲之內
戴公不知竟真敷於法敷亦誣奏他事俱爲言官
論劾二公正部院當事因回避只延至秋方行考
察王益吳舜皆坐不謹亦從未減云

內臣何文鼎言事切直內有干官闡戚畹者上
怒撻之死御史黃山等上疏訟其冤雖不之省而
亦不之罪也

近時宦官如蕭敬之文雅陳寬之謹厚何文鼎之忠
謹皆不可少前此若金安之廉興安之介金英之
知人懷恩之持正張永之剛勇王高之雅飾後乎
此若芳景賢之安靜皆有取焉至如馬騏之激變
交南吉祥之怨望啟叛蔣冕之讒亂宮闈李廣之
納賂干政又其輩中之罪人也至於王振之專恣
陷駕北狩汪直之驕橫西廠害人後乎此若劉瑾
之亂政謀叛則又甚矣

給事中張維新己未進士京師人考滿受封以其父
未仕請具冠服同入朝謝恩預約親友候朝畢由

東長安門鼓樂迎至家其父夜不睡在廊下假寐
偶聞鍾響促入班叩頭畢慌忙忝過御街西因憶
前事復橫過東爲序班所執面糾奉旨拏就於丹
陛下揪繫出午門外跪候冠服皆褫於地朝退迎
送本所以榮親而瞬息至此事變真不可料皆爲
之嗟悼予因憶昔年吳康齋與弼徵聘至京有
旨次日早文華殿引見康齋預擬數事將口陳夜
宿於朝房掛其巾於壁熟寐因起遲倉皇戴其巾
以人及見上詢問再三與弼俛首不能對叩頭
而已令左右送出左順門朝士謂曰此正敷陳時

也何以不言與弼皺眉乃去巾觀之有二三大蝎子
嚙其頂腫痛不可忍又彭閣老時以狀元及第
次日該上表謝恩演習已熟因先夜勞倦次早在
直房睡熟忽聞鍾響趨走不及鴻臚寺糾奏狀元
謝恩不到奉旨追究幾危賴李閣老諸公救之乃
免此二事與張頗相類噫徵君之奏對狀元之面
恩皆尋常事也乃至於此古謂天威不遠咫尺信
矣

近一給事中建言處置軍國事一款京城士人多好
着馬尾襯裙營操官馬因此被人偷拔騾尾落膽

不無有誤軍國大計乞要禁革又一給事中上疏
爲急救社稷事曰見今北虜款塞社稷危甚急招
人納粟以救社稷如此二疏可謂之通達治體者
乎一時騰笑於人多矣嘗聞識者謂考選科道須
要察其文行不可只拘人物京師謠云選科全不
在文章但要鬚鬚與胖長更有一般堪笑處衣裳
漿得硬幫幫蓋所由來漸矣

甲子科因言官建議欲令京官出主考各省鄉試惟
浙江聘楊月湖廉山東聘王陽明守仁時楊爲南
光祿以終養王爲主事以養病俱在告聞聘皆欣

然經兩省亦頗稱得人然亦不免南臺論劾予嘗
謂校文得士自古爲難唐惟稱陸敬輿得韓子宋
惟稱歐陽公得二蘇此外若呂東萊之知陸子靜
王應麟之知文山亦絕無而僅有者我朝如胡
顧菴之知南陽姚文敏之知一峯亦爲罕見又聞
周宗伯洪謨初中解元以成場特考官彭弼江西
大批云七篇之多不如五篇之純則果知名於時
又憶宋末太常蕭達士考監於落卷中拔真西山
不知二公亦有是否乎

紀錄彙編卷之九十

治世餘聞下篇卷之四

芷沅箬陂

本朝狀元惟錢與譚無足取延世如羅一峯尚矣前
此若商文毅輅彭文憲時亦有可觀若曾公榮曹
公鼎之才劉公儼任公亨泰之介張公顯宗許公
觀之節皆無忝大科其他則碌碌無述焉若彭公
教則奪於壽曾公彥則限於年矣

南京中備太監劉瑯自陝西河南鎮守至金陵貪婪
益甚貨積既厚於私第建玉皇閣延方外以講爐

火有術士知其信神異也每事稱帝命以動之饗其財無算瑯有玉繚環值價百鎰術士給令獻於玉皇因遂竊之而出或爲詩笑曰堆金積玉已如山又向仙門學煉丹空裏得來空裏去玉皇元不繫繚環

李閣老西涯子兆先幼穎敏絕人爲文下筆立就每科場入試輒病久不中至是卒年未三十西涯公哭之慟自爲墓志人甚哀之士夫傳云昔公之父名潮金吾衛軍餘微時爲渡子日嘗見一婦人早渡午歸迨晚復渡如此者幾月卒一日詰其故婦

日有夫繫獄日往給其飲食又復歸膳翁姑耳所以不憚勞苦李聞其言甚憫之遂却其直早晚任其渡他一日叟見李告曰聞汝素有善念必獲善報汝有親骨未埋吾當爲擇吉地瘞之後當有發因與擇一山指曰有白狐卧處卽佳壤也汝可潛舁親骨埋其中李一夕往彼果見白狐稔眠不起李恐天明人知因折樹枝有聲狐驚聳身三立而去遂卽其穴埋之明日叟來詢葬事李告以故叟曰侯狐自起乃爲妙爾今驚去當中衰汝子當不失爲三公今其言果驗公竟至無嗣

兆先文名甚高然遊俠無度以是致病公一日過其書館中書其几云今日柳陌明日花街焚膏繼晷秀才秀才兆先歸見之亦過公齋書案云今日黃風明日黑風變理陰陽相公相公傳之以爲笑談然予聞之成化中眉州萬閣老亦題其子翼書館翼亦答之同前豈兆先有所聞或亦偶然同之乎左都御史戴公珊當考察時吏部只欲憑巡按御史考語黜退公不從吏部曰如是我不能怨公不然私謂張考功志淳曰果欲如此吾與子先將御史考覈從其賢者斯可不可如貴堂上一槩從之由

是果有所得公可謂至公無私者矣予聞之張南園云

崇仁洪鍾生四歲隨父朝京以訓導考滿之京舟中朝京與客奕鍾在旁諦觀父之悟其行勢爲父行變累勝客局比至臨清見牌坊大字題額則爲父索筆書之遂得字體至京師卽設肆鬻字京師異爲神童 憲宗聞之召見命書卽地連畫數十字又命書聖壽無疆鍾握筆久之不動 上曰汝容有不識者乎鍾叩頭曰臣非不識字第爲此字不敢於地上書耳 上嘉其言卽命內侍舁几復以

跼蹐立其上書之鍾一揮而就上喜命翰林給
廩讀書其父陞國子助教以便其子弘治庚戌年
十八登進士第授中書至是不幸嬰疾未三十而
卒

蕭山何孝子翹其父舜賓原任南道御史以事謫戍
廣西後遇宥回藉頗事武斷當塗鄒魯以御史謫
官縣丞陞任知蕭山特勢妄爲自號蕭然逐客又
改牧愛堂爲寄豸堂時常仍服豸繡舜賓譏之成
仇魯欲戕害乃與二三吏卒謀作廣西移文勾取
遂差強徒十數人押舜賓起解仍搜捕其子姓賓

之獄及押舜賓行至江西其吏卒受魯密囑百般苦楚之至夜候舜賓睡熟乃用沙袋掩口身死其人還報魯受賞競逃匿日夜思報父冤一日聞魯已陞山西僉事伺其日出接憑暗結親鄰伏於道左將魯拖扯下轎用石灰擦瞎雙眼用船裝至浙江臬司當將競監候上其事法司題奉欽依差給事中李舉刑部郎中李時往勘其事擬魯解去人服食因而致死爲首緣非係篤疾奏請何競歐本管五品以上官照例發口外爲民士論不平競復具奏再差大理寺正曹廉勘問乃擬魯謀殺

人造意斬罪餘俱爲從者絞何競爲親報仇情有可矜奉聞可之輿論稱快遂稱競爲孝子云

近來士夫多信地理程篁墩學士代謝于朝註雪心賦林見素都憲偕謝評事廷柱徧游閩中則自朱晦菴已深信之蓋其天分之高又與胡五峯蔡西山陳北溪諸賢相與講明益精其說事多奇中相傳其墓下有識書曰某橋水漂子孫入朝景泰癸酉歲上問朱子有功聖門子孫世祿否禮部奏云未蒙恩典詔錄其嫡長子孫一人世襲翰林院五經博士永奉祀事其裔孫某入朝之日墓前水

發橋爲之傾

工部吳主事某湖州人家素饒號呂山吳家初中進士欲壽其父緘幣求於西涯公時公爲學士鄙其爲人不許吳問其友人曰今朝中爵位極大者爲誰友人云英國公太師左柱國也吳乃以幣求英公英不知來意遂受其幣令門館作詩與之吳得詩誇耀於人云說甚麼李學士英國當朝第一人乃爲我做詩人皆掩口而笑後因考察調外將歸乃以其父好騎驢且年老爲構壽材一副買驢一頭到家之日適其父初度開宴集賓朋爲繼聞其

子至甚喜客曰公子遠來必有奇物爲壽詢其子
乃曰壽器一副驢一頭衆皆失色其父亦慍懊數
日其呆如此

王編脩瓚一日自司禮監教書出謂一二同年曰今
早在左順門見紅氍衫裏一婦人不見其面只見
二小足有人隨去見二內使押送赴浣衣局守者
俱起立迎入待之異常不知其由後數日乃聞叅
送數人至西曹問罪內鄭旺招係壩上人有女名
某先年選入掖庭近聞生有皇子見在太后
宮內依住旺每歲來西華門內臣劉林探問但有

新時麵麥瓜菓卽托林送入與本官使女黃女兒
說知遞進悉回有衣服針線等物旺回家誇耀鄉
人稱爲鄭皇親京城內外人爭趨赴已二三年矣
近被緝事衙門以妖言訪獲說者以爲有所受也
後內批劉林使依律決了黃女兒送浣衣局鄭某
已發落了鄭旺且監着時論以爲 旨意落意
自可見若果妖言旺乃罪魁不卽加刑又鄭氏止
云已發落了尤爲可疑其卷案在刑部福建司人
多錄出以爲或有所待後乙丑五月大赦閩司寇
卽將旺放出該司執言事大須 請閔以爲 詔

書不載者卽宜釋放蓋亦意有在云

湖州人以養蠶爲生然蠶神甚異弘治中太倉孫廷慎行販安吉往來皂林見巡司獲盜三人其人是彼處大族伍氏家丁也蓋其家每歲畜蠶田蠶多桑薄飼之不繼乃棄蠶十餘筐瘞之土窖中三人仍駕船往市桑葉不得舟還途次忽一大鯉躍入舟中約重數斤三人喜其罕得載歸饋主舟經皂林巡司異其小船而用兩櫓急駕疑之遂追捕至檢其外見頭倉有人腿一三人自相驚駭巡司卽縛解浙江按察司拷掠甚至詰其身屍所在三人

不勝煅煉訴辨得魚之故變易之端主司不信三人者不得已而認之云殺人身屍見埋在家隙地內主司卽命吏卒人等押至其家妄指一地發之正是蝨蠶之處蠶皆不見惟見一死屍身軀完全乃少一腿事之符合併家主俱抵罪此事江南人盛傳其事到京豈其家害蠶命數多有此冤報然司刑者不可不審也

趙烈女

乙丑松江劉知府琬上疏旌表一節婦乃華亭張尚書瑩少子未婚之婦也少子某事遊蕩與娼狎被驚得心疾遂不起某原聘京衛趙指揮某女沒時

張爲御史居憂于家卽具書慰報於趙令其別議
趙得訃報其女女曰千里之音其僞未可知縱有
凶說而此身已生死係於張氏矣趙夫婦素知其
女至信雖有媒妁來議然不敢許踰年公服闋之
京趙往探之且告以女之言公恐負其女備儀令
夫人往慰之女但唯唯越數日女告其母曰彼旣
來慰我則盡禮母親可率兒往展謝之雖未及覩
夫儀容得拜翁姑亦名分中事父母是其言卽具
禮母子偕往女留張令卒不肯歸曰旣已身許張
氏夫死命也決無他議留此以事舅姑盡婦之道

謂母但歸母不拂其言如其志女時年十八張與
夫人別設一室令夫人與俱旣而足不外履慈惠
婉順張夫人亦嘗論其可嫁之意女曰有死而已
是夕自縊幾絕賴救免自是絕不敢道四方士夫
多爲文以紀之近時戲文盛傳商三元輅事頗類
此然彼是虛誣而此則實事也因記于此以風世
西曹有一對云一雙狀元子兩箇探花翁是雖資謔
然亦奇事蓋主事有張恩王守仁其父尚書判學
士華皆狀元也又有劉鳳儀李瓚其子內翰廷相
內翰龍皆探花也又一對魯鐸分南北朱紱別妍

姓蓋壬戌進士有兩魯鏐二朱袞一湖廣人一求
平人一貌美一不揚故云又丙辰進士有孟春李
春夏鼎周鼎西涯閣老嘗卽席命對孟春李春惟
少仲已而卽應聲云夏商周鼎獨無商皆天然奇
句也

乙丑賜崑山顧鼎臣爲狀元尹閣老直家居謂人曰
此名未善蓋臣字與成字同音鼎成龍駕名犯嫌
諱至五月果然人謂尹之言亦有自也蓋景泰辛
未狀元乃柯潛時人云柯與哥同字未幾英廟
還自北退居南宮固哥潛之讖又天順癸未春御

史焦顯監試有火災時人語曰御史原姓焦科場
被火燒蓋宋末亦有不因南省火安得狀元焦之
語當時或未之避然亦偶湊合耳初顧之父拘得
一夢云鼎臣爲狀元初欲以此名其孫潛未果乃
命其少子卽鼎臣也果然